

2 Petoro Petoroŋe ekap betŋan kulemguop.

O bukulpine,

¹ Nâmâ Simon Petoro. Yesu Kiristoŋe aposolo âi sâm nihimu mem hoŋ bawanŋim manmâ gan. Anitâŋe Yesu Kiristohât aposololipŋe nengât biwinenŋe mem hewewenŋe tuhumu Kiristohâlen biwinenŋaŋe kepeim manmain. Otmu yakât dopŋeâk yengât biwiyeŋe mem hewewenŋe tuhumu yâkâlen biwiyeŋaŋe kepeim manmai. Anitâ yet Yesu Kiristo dopyetŋe konohâk. Yakât otmâ Kiristoŋe lohimbî âlâhât nâŋgâmu yahatmu âlâhât nâŋgâmu gemu yawu ki otmâp. Yâkŋe lohimbî hârok ârândânâk wawaenenekmâp.

² Awoŋnenŋe Anitâ otmu Kutdânenŋe Yesu Kiristoŋe engatyetŋeâk otmâ nâŋgâyinŋim tihityeŋe otmawot. Yawu otmawot yakât yâk yetgâlen biwiyeŋaŋe kepeim denyetŋe lâum manmâ gai. Otmu yawuâk torokatmâ manŋetâ biwi nâŋgân nâŋgânyenŋe kepeiakmâ konohâk otmâ sânduk sâm yâhâwuapgât nâŋgâm Anitâ ulitgum gaman.

Kiristohâlen biwinenŋaŋe kepeim kârihem mannom.

³⁻⁴ Anitâ yahat yahatŋe, Wâtgât Ambonŋe menenekmâ ikŋe laŋinŋan katnenekmu orowâk mannongât pat kuningiop. Yakât otmâ Yesu Kiristoŋe âwurem ge menenekmâ himbimân yâhâ manman âilonŋoân katnenekmu mannom. Yakât nâŋgâmunŋe âlâ kândâkdâ otmâp. Otmu nenŋe yâkâlen biwinenŋaŋe kepeim tem lâuwanŋim

manmunje māmāje otningimu târârâhâk manmain. Otmu yawuâk torokatmâ manmâ yâhâmunje nenekmu ârândâj otmu Kiristone âwurem ge menenekbuap. Sâp yan Hiliwaho Hiliwaho Amboņaje âlâkuâk biwinenņan kionmu ekņâleangim otmâ hilipgunomgât dop ki tetewuap. Yawu otmâ Anitâje mem koko salek tuhunenekmu yetje orowâk Kiristo orop biwinenņaje kepeiakmâ konohâk otmu manman âilonņoân manmâ yâhâmbisâin. ⁵ Yakât nâņgâm Kiristohâlen biwiyenņaje tiņâk kepeim manmanyenje kelihakmu kârihem mannomai. Yawu manņetâ wuân me wuân teteyiņgiwuap yan girawu otņetâ Anitâje yekmu ârândâj otbuapgât nâņgâņetâ keterakiņgiwuap. ⁶ Otmu nâņgâņetâ keterakiņgiwuap yakât kakņan otņetâ bâlemapgât biwiyenje galemahom mannomai. Yawu manņetâ lohimbi belângen manmainje senyenņan genomai me otmain yawuâk otņet sâm eņgatyenņan genomai. Yawu otņetâ Kiristohâlen biwiyenņaje tiņâk kepeim Anitâhât tem lâuwanņim uwawapņe bia manmâ ki lohotņe otnomai. ⁷ Yawu otmâ Kiristohât lohimbi orop biwiyenņaje kepeiakmâ konohâk otmu tânahom mannomai. Otmu lohimbi kerek buku otyiņgim manmâ yâhânomai. ⁸ Den sâm aran yu tâņ tâņâk watmâ Kiristohât tem lâuwanņiņetâ manman âlepņahât bulâje topņe topņe yengâlen tetem hengenguwuap. Yawu otmu Kutdânenņe Yesu Kiristohât biwiņan girawu tatmap ya nâņgânomai. ⁹ Yâhâ Kiristone tosayenahât otmâ mumu Anitâje tosayenje pilâyiņgiop yakât ikņe lohimbi nombotņaje

biwi nângân nângânyeḅe maḅguakmu gulip malap manmai. Yawu manmâ den sâḅ aran yu nângâḅetâ gemu bet pilâm girawu manḅetâ Anitâḅe yekmu ârândâḅ otbuap yakât ki nângâm manmai.

¹⁰ Yâhâ yenâmâ Anitâḅe dâiyekmu Wâtgât mâḅâḅahât Heakḅe mem hewewenḅ tuhuyekmu yâkâlen biwiyenḅ katḅetâ nine nanne baratne sâḅ meyekmâ manman kârikḅahât pat kuyiḅgiop. Pat yakât bulâḅe biatyinḅimapgât yâkâlen biwiyenḅe tiḅâk kepeim yu ya otḅetgât den ekyongoan yu watmâ manmâ yâhânomai. Yawu manmâ ki otmâ tâpikgum Kiristohât mâḅâḅ pilâm mâḅâḅ bâlenḅan arinomai. ¹¹ Otmu sâḅ patoen Anitâḅe biwiyenḅ ekmâ matḅe kâpekyinḅiwuap yan Kutdânenḅe Yesu Kiristone âwurem ge sârereyekmu Anitâḅe manman kârikḅan katyekmu herone kakḅan manmâ yâhâḅbisâi.

Petoroḅe mum pilâyekbuapḅât sâop.

¹² Den ekyongoan yu emelâk aposololipḅe lok nombotḅe orop yen kâsikum yinḅimunnḅe nângâḅetâ bulâḅe otmu biwiyenḅan katmâ nângâm gai ya naḅan. Yawu gârâmâ den yu nângâm mem mete tuhum mannomaihât ekyongom yâhâwom. ¹³⁻¹⁴ Aiop sâḅ ki kâlep otmuâk mum pilâyekbom yakât emelâk Kutdânenḅe Yesu Kiristone eknohop. Yakât otmâ inânḅan den ekyongoan yu nângâm biwiyenḅan katmâ nângâmâk manḅetgât biwiyenḅan kionḅmâ yâhâwom. Yakât nângâmune ârândâḅ otmap. ¹⁵ Otmu pilâyekbom yakât kakḅan den kulemgum katyinḅian yu sâlikum nângâm mem mete tuhum mannomai.

Anitâñe Yesu kun kundenñe mem âlâ tuhumu ekbi yakât Petoroñe sâop.

¹⁶ Kutdânennñe Yesu Kiristonñe âwurem gewuap yan wâtñe pato tetemu ekmunñe âlâ kândâkdâ otbuap yakât den emelâk kâsikum yingiwîn. Den kâsikum yingiwîn yamâ lokgât nângân nângân ki watmâ den golâ kâsikum yingiwîn. Nennñe yâk orop manmâ yâkñe olop miop ya ekmunñe âlâ kândâkdâ otmu Anitâ orop dopyetñe konohâk oap yawu nângâwin. ¹⁷⁻¹⁸ Nennñe yâk orowâk pumñe âlâen yâhâwin yan âwâñe Anitâñe yâkât nângâmu yahatmu kulem âlâ yuwu mem ekmunñe âlâ kândâkdâ olop. Anitâñe Kiristohât kun kundenñe mem âlâ tuhumu senñe emetsenñe pilâmu irik irik sâmap yawuya tetemu ekbin. Otmu sângumñeâmâ kaok bolañ bolañ otmu ekbin. Yawu otmu Anitâ yahat yahatñe, Lañinñahât Amboñe yuwu sâop. “Bulâñanâk yuâmâ nine nanne ombe bisine. Nâñe biwinañe yâkâlâk nângâman.” Anitâñe himbimâmbâ den yawu sâmu nângâwin.

¹⁹ Otmu embâñân emet inânñan Anitâñe poropetelipñe den âlâlâ ekyongomu kulemguwi yakât bulâñe tetewuap nângâm engat yâhâp ki otmain. Otmu yeñe gurâ Anitâhât den tâñ tâñâk watnomaihât nângâm den âlâen hâum sâmune nângâñet. Kapi âlâen arine sâm otmâ omoñdâñe lambe saum ya lañinñan mâtâp ekmâ arimain. Yâhâ emet hañ sâwe sâm otmap yanâmâ pitu kâmñe papato yañe tetemap. Yawu tetemu tatmâ yañak emet hañ sâmu emetsenñe ga takamap. Yakât dopñeâk Kiristonñe ki âwurem gemu mansain sâp yuâmâ Anitâhât den sâlikum

nângâmunne haŋ sâningimu Kiristohât mâtâp watmâ yâhânôm. Yâhâ âwurem gewuap yanâmâ ikne laŋinŋaŋe biwi nângân nângânnenŋan pilâmu Anitâ yet Kiristo yetgât biwiyetŋan âlâlâ tatmap ya topŋambâek nângânôm. ²⁰⁻²¹ Emelâk emet inânŋan Anitâhât poropeteliŋaŋe yâkât den kulemguwi yamâ yeŋe nângân nângân ki watmâ den ya kulemguwi. Wâtgât mâmâŋahât Heakŋe Anitâhât den biwiyenŋan katmu ya kulemguwi. Yakât otmâ lohimbi âlâ me âlâŋe yeŋe eŋgatyeneâk otmâ den ya sâm kusânâmâ bukulipyene ekyongonomaihât dop âlâ ki tap. Den yan yu biwiyenŋan katmâ nângâm mannomai.

2

Lok perâkŋe yeŋgât sâop.

¹ Emelâk Anitâhât poropeteliŋaŋe yâkât den Isirae lohimbi ekyongominiwi. Sâp yan lok perâkŋe oain sâm oain sâm otmâ den perâkŋe kâityongominiwi. Yakât dopŋeâk lok perâkŋe yeŋgâlen taka Kiristohât den kelanŋatmâ kâsikum yinŋinomial. Yâhâ Kiristoŋe yeŋe tosaŋhât otmâ kaweyenŋan kinmu kuŋetâ muop yakât nângâŋetâ tâŋhât otmu betgumai. Yakât otmâ hiliwahonomaihât pat mansai. ² Otmu Kiristohât den kelanŋatmâ kâsikum yinŋiŋetâ nângâŋetâ bulâŋe otmu lohimbi dondâŋe hionakmâ yâk yeŋgâlen torokatnomai. Yâk yeŋgâlen torokatnomai yan lohimbi belâŋgen manmaine manmanyene ekmâ sâm ge katyekmâ Kiristohât den pat nângâŋetâ gewuap. ³ Lok perâkŋe yeŋgât iri sikumyene ekŋâlem meyiŋgine sâm den golâ ekyongonŋetâ

nângânetâ bulâne otmu tewetsenŋe yinginomai. Yawu otyinginomai yakât matŋe umatŋe yingimu menomaihât Anitâne sâp kalop. Sâp kalop ya ekmu ârândâŋ otmu matŋe yingimu mem hiliwahonomai.

⁴ Bulâŋanâk Anitâne matŋe umatŋe yingimu menomai yakât yuwu sâmune nâŋgânet. Kândikum emelâk aŋelo nombotŋe Anitâhât den kum otmâ hilipguwi yakât matŋe nâpumân panyekmu ge omoŋ kâlehen tatmâ gai. Yawu tatmâ yâhânetâ sâp pato tetewuap yan den sâm hâreyingim matŋe umatŋe yingimu mem hiliwahonomai. ⁵ Otmu emelâk embâŋân lohimbiŋe Anitâ betgum orotmeme bâleŋe otmâ manminiwi. Yawu otmâ manŋetâ lok âlâ, kutŋe Noa sâm, lohimbiŋe Anitâhât den lâum manŋetâ yekmu ârândâŋ olâk sâm yâkŋe girem den ekyongominiop. Otmu girem den ya ekyongomu nâŋgânetâ helekŋe otmu orotmeme bâleŋe tâtâem otŋetâ yaŋak Anitâne nâŋgâmu tonŋelâk giop. Tonŋelâk gemu to niŋ niŋ sâm lohimbi bâleŋe ya asisihâk haranyongop. Yâhâ lohimbi nombolân yâhâp Noa orop waŋgaen yâhâ tatbi yawuâk hâmeyeŋe kinop.

⁶ Otmu kapi yâhâp, kutyetŋe Sotom yet Gomora, ya ambolipŋe gurâ Anitâhât hâkâŋ otmâ orotmeme bâleŋe otminiwi yakât matŋeamâ kâlâpŋe ge sem gulip tuhuyehop. Ya yengât den pat nâŋgâmunŋe tetemap yan lohimbiŋe orotmeme bâleŋe otmai yakât Anitâne matŋe yingimu menomai nâŋgâm engat yâhâp ki otmain. ⁷⁻⁸ Kâlâpŋe Sotom otmu Gomora kapi ambolipŋe sem gulip tuhuyehop yan Anitâne lok âlâ, kutŋe Lot sâm, yâkât nâŋgâwaŋgimu hâmeŋe kinop yakât

yuwu sâmunne nângâñet. Lotñe Anitâhât tem lâuwanjim orotmeme âlepñeâk otminiop yakât ekmu ârândân olop. Yâhâ kapi ambolipñeâmâ Anitâhât den kum den bâleñe sahanjim orotmeme bâleñe hilâm ârândânâk otñetâ Lotñe yekmu tepñe dondâ bâleminiop. Yawu manopgât otmâ Anitâñe nângâwanjimu hâmeñe kinop.

9-10 Yakât dopñeâk lohimbi Anitâhât tem lâuwanjim manmaine manman bâleñahât pañonân kionmaihât meyekmâ manman âlepñan katyekmu manmai. Yâhâ lohimbiñe Anitâhât den kum yeñe eñgatyeneâk watmâ orotmeme bâleñe ekñâlem otmai yakât matñe umatñe sâp patoen yinjimenu menomai. Yakât otmâ hiliwahonomaihât pat kuyinjimenu mansai.

Lok perâkñe ya yeñgât wâtyeñe pato ki tatyinjiap. Yawu gârâmâ yeñahât nângâñetâ yahatmu Anitâhât añelolipñe ikñe orop himbimân tatmai ya yeñgât nângâñetâ gemu sâmbâleyinjimai. Yawu otmâ añelo yañe matñe ningimai sâmbâk ki gorâyinjiap. ¹¹ Yâhâ Anitâhât añelolipñe ya yeñgât wâtyeñe pato tatyinjiap. Yawu tatyinjiap yamâ yâkât senñan kinmai yan añelo bukulipyeñe nombotñe otmâ hilipgunetâ Anitâñe betyongomu tatmai ya yeñgât ki sâmbâleyinjimai.

¹² Yâhâ lok perâkñe ya yeñgât topyeñe yuwu sâmunne nângâñet. Anitâñe soñgo bau otmu nâi seloñ topñe topñe katmu ekmain yamâ umut bi-wiyene bia. Otmu nenñe hat ari kum taka um nenomgât sâmbâkalop. Yâhâ lok perâkñe yu yakât topñe nângâm pâpgum ihilâk sâmbâlemai.

Yakât otmâ yekmunje biwiyenje bia mansai yawu otmap. Otmu sonjo bau kumain yakât dopneâk sâp patoen Anitâne lohimbi perâkne ya hilipy-ongowuap. ¹³ Yâkne lohimbi hâhiwin yinginetâ umatne kakņan manmâ gai. Yakât matne sâp patoen Anitâne yene gurâ yawuâk hâhiwin yingimu umatne kakņan mannomai. Otmu yâkne yuwu otņetâ dondâ bâlemap. Lohimbi senyenjan kinmâ yu ya ekņâlem otnehâlâk nâņgâm otmâ hilipgumai. Otmu yen menduhuakmâ sot nemai yan yengâlen torokatmâ to kârikne nem biwiyenje hâlim otmu otņetâ bâlemu anjun yingimai. ¹⁴ Otmu imbi âlâ me âlâ yekmai yan ya yengât nâņgâm biwiyenane otmâ tâpikgum tosa memai. Otmu orotmeme bâleje ya ekņâlem otnehâlâk nâņgâmai. Otmu lohimbi nombotņane biwi yâhâp manmai ya yengât engatyenjan geņetâ otmâ tâpikgumai. Bukulipyenje yengât iri sikumyene miaknehâlâk nâņgâm mem lohotne tuhuyekmai. Yakât otmâ Anitâne matne umatne yingimu menomaihât pat kuyingimu mansai.

¹⁵ Yâkne Kiristohât mâtâp bulâne ya pilâm lok âlâ, kutne Bileam, Beoro nanne, yâkne olop yawuâk otmai. Yakât yuwu sâmune nâņgâņet. Bileamne hâmeņe membom nâņgâm Isirae lohimbi sait kakyenjan pilâwe sâm ariop. ¹⁶ Arimu Anitâhât anelo âlâne Bileamgât dongi lauņe mem purik pilâwanġimu amboņe den ekuop. Den ekumu nâņgân nâņgânne keterakbaņgimu sait kakyenjan ki pilâop. Yawu.

¹⁷ To senne saņ kititiņ sâmap yapâ to ki osomain. Otmu elem kârikne mem emet mem maņgumap yamâ gelâk ki gemap. Yakât dopneâk lohimbiņe

lok perâkne yengât denyenê nângânetâ den yanê buku ki meyingimap. Yakât otmâ sâp patoen Anitâne lok perâkne ya pilâyekmu yaehen ge omoŋ bâlenaje sâhâyekmu tatnomai. ¹⁸ Yâkne yengahât nângânetâ yahatmu nângân nângân tângât lohimbî kâsikum yingimai yakât yâkne nângânetâ yahatmap. Otmu lohimbî nombotnaje pâku lohimbî yengâlebâ dâiakmâ Kiristohâlen biwiyenê katnetâ sâp ki kâlep oap. ¹⁹ Lohimbî yawuya yengât engatyenjan ge lok perâkne yuwu sâm ekyongomai. “Kiristone girem den yapâek holaŋnenekmu engatnennêak watmâ yu ya otmâ mannomgât dop tap.” Yawu sâm engatyenjan genetâ orowâk otmâ tâpikgumai. Yawu otmâ Manman Bâlene Ambojahât paŋgoŋân yâhâpne kionmâ yâkât amutgen manmai. ²⁰ Yakât yuwu sâmune nângânet. Lohimbîne orotmeme bâlene bet pilâm Kutdânenne Yesu Kiristohâlen biwiyenaje kepeinetâ manman bâlenjahât paŋgoŋâmbâ holanyekmâ tihityenê otmap. Yawu gârâmâ orotmeme bâlene bet pilâwi ya miwirikum Manman Bâlene Ambojahât paŋgoŋân âlâkuâk kionmâ yâkât amutgen mannomai yanâmâ hiliwahonomaihât pat mannomai. Yawu mannomai yanâmâ emelâk Kiristohâlen biwiyenaje ki kepeiwi sâp yan tosayengahât matne menomai sâop ya wangim Anitâne matne amokŋan yingimu menomai. ²¹ Lohimbî nombotnaje girawu mannetâ Anitâne yekmu ârândân otbuap yakât topne pâpgum orotmeme bâlene tâtâemâk otmâ belângen manmai. Lohimbî yawu yamâ Anitâne matne

yingimu menomai. Yâhâ lohimbi nombotŋe âlâŋeâmâ Kiristohât den nâŋgâŋetâ bulâŋe otmu yâkâlen biwiyeŋaŋe kepeim manmai. Yawu otmai yakât kakŋan yâkât nâŋgâŋetâ gemu orotmeme bâleŋe miwirikum Kiristo betgunomai. Yawu otnomai yâhâmâ sâp patoen Anitâŋe lohimbi belâŋen manmai matŋe yingimu menomai ya wangim matŋe amokŋan yingimu menomai. ²² Kiristo betgumai ya yengât nâŋgâm den âlâen hâum sâmain yakât nâŋgâmune bulâŋe oap. Den yamâ yuwu tap. Sosoŋe mohatmap yamâ benŋe yâhâpŋe nemap. Otmu bauŋe bokosohân dakakmap. Dakakmu hâkŋe bokosohâk pato otmap ya hârâŋ sâm bererek sâm gemu âlâkuâk ari bokosohân dakakmap. Yakât dopŋeâk lohimbi orotmeme bâleŋe aŋgoân otbi ya miwirikum otŋetâ dondâ bâlemap.

3

Bulâŋanâk Kiristoŋe âwurem ge menenekbuap.

¹ Bukulipne, yuwu sâmune nâŋgâŋet. Yeŋe girawu manŋetâ Anitâŋe yekmu ârândân otbuap yakât topŋe emelâk kâsikum yingimune nâŋgâwi. Otmu yeŋe den ya nâŋgâm biwiyeŋan katmâ galemahom târârâhâk manŋetgât pepa âlâ kulemgum katyingimune ekbi. Otmu yâhâpŋe yu kulemgum katyingian. ² Emelâk Anitâŋe ikŋe poropetelipŋe den ekyongomu kulemgui. Otmu Kutdânennŋe Yesu Kiristo tihitnennŋe otmapŋe nen ikŋe aposololipŋe den eknongomu kâsikum yingimunŋe nanŋai. Den ya kerehâk nâŋgâm heŋgeŋgum biwiyeŋan

katmâ manmâ yâhânomaihât yuwu sâmunenânġânet. ³ Sâp pato tâlâhuwuap yan lohimbi nombotņane yeņe engatyeneâk watmâ yu ya ekņâlem otmâ hilipgunomai. Yawu manmâ Kiristoņe âwurem ge menenekbuapgât sâop den yakât nânġânetâ bulâņe bia otmu yuwu sâm yengât senyenjan genomai. ⁴ “Kiristoņe “Âwurem ge meyekbom,” sâop yamâ nenņe ki eksain. Wosan taka tap ya sâņetâ ari ekne. Anitâņe hân himbim kândikyotgowâmbâek lohimbi nengât manmannenņe dop konohâk tatmâ gamap. Otmu tâmbâlipnenņe mum gara gara otbi yawuâk nen gurâ mumain.” Yawu sâm senyenjan genomai. ⁵ Yawu sâm senyenjan genomai yan Anitâhât den nânġânetâ gemu yeņe nânġân nânġân watmâ sânomai. Yakât yuwu sâmunenânġânet. Kândikum emelâk topņe katmâ Anitâņe sâmu biaembâ hân himbim teteop. Otmu saru keterakmu hân teteop. Otmu elem kulewonņon tetem yapâek gelâk gemap. Gelâk gemu yaņak nak me senņe âlâlâ topņe topņe tetem âi omoņ omoņ otmâ yahatmap. ⁶ Otmu lohimbiņe Anitâ betgum otņetâ bâleop yakât matņe yâkņe sâmu tonġelâk gemu to niņ niņ sâm lohimbi otmu senņe âlâlâ waņgaen ki yâhâwi ya aksisihâk haranyongop. ⁷ Otmu sâp pato tetewuawân Anitâņe sâmu hân himbim ekmain yu kâlâpņe sem gulip tuhuwuapgât sâm kalop. Sâp yan Anitâņe lohimbi kerek nengât biwinenņe ekmâ sâm hâreningiwuap. Yawu otmâ lohimbiņe yâkâlen biwiyeņane ki kepeimai yamâ matņe yingimu mem hiliwahonomai.

⁸⁻⁹ Otmu lohimbi nombotņane “Wongât Anitâņe

Kiristo in yawu ki hângângumu âwurem gemap?” yawu sâmai yakât yuwu sâmune nângâm biwiyenjan katjet. Anitâne sâpgât ki nângâmap. Yakât otmâ yambu 1000 yakât biwijnan yu ya tetemap yakât nângâmu hilâm konok biwijnan tetemap yawu otmap. Yamâ angoânâmâ lohimbiñe orotmeme bâleñe bet pilâm Kiristohâlen biwiyenjan katjetâ manman kârikjahât pat kuyiñgimu manñetgât nângâm mambotyñgimap.

¹⁰ Kutdânenñe âwurem gewuap yakât nângâñetâ keterakyiñgiâkgât den âlâen hâum sâmune nângâñet. Kapi ambolipñe yengât kasalipyenane sâp girawuân taka itit kiom tuhuyiñginomai ya ki ekyongomai. Kapi ambolipñe ki nângâmâk manñetâ kasalipyenane pârâk sânsânâk taka yongom kiom tuhuyiñgimai. Yakât dopñeâk Kiristone pârâk sânsânâk gewuap. Sâp yan kâlâp punduñ sâm himbimân emetsenñe pitu âlâlâ ya kerehâk munñe orowâk sem gulip tuhuwuap. Otmu hânân yu senñe âlâlâ topñe topñe yu gurâ yawuâk sem gulip tuhuwuap. ¹¹ Yakât nângâm yeñe manman bâleñambâ keterakmâ Anitâhât tem lâuwanjim târârâhâk mannomai. ¹²⁻¹³ Otmu Anitâne sâmu kâlâp pato punduñ sâm himbimân emetsenñe pitu otmu hânân senñe âlâlâ ya kerehâk sem gulip tuhuwuap. Yakât kakñan yâhâpñe sâmu hân himbim ango tetewuap. Hân himbim ango tetemu yan mem katyekmu koko salehâk manñetâ yekmu ârândân otbuap. Yakât pat emelâk kuyiñgimu tap. Yakât otmâ sâp pato tetemu Kiristone âwurem ge meyekbuap yakât nângâm biwi nângân nângânyenane kilik kilik

sâmu mambotbanjim mannomai.

14 Yawu mambotbanjim mannomai yanâmâ Anitâne yekmâ “nine nanne baratne koko salek,” sâm kaok nângâyîngiwuap. Yakât nângâm Kiristohâlen biwiyenaje tijâk kepeim manmanyenje kelihakmu kârihem mannomai.

15 Otmu Anitâne Kiristo in yawu ki hângângumu âwurem gewuap. Otmu ki âwurem gewuap yan lohimbiye yâkâlen biwiyenaje kepeinetâ Anitâne tosayenje pilâyîngiwuapgât mâtâp ki hâreakmâ tân sâwuap. Yakât nângâm “Wongât Anitâne in yawu ki hângângumu gemap?” yenje yawu ki sânomai. Den yan yuñe Paulone den kulemgum katyîngimu ekbi ya miap. Yakât yuwu sâmune nângânet. Anitâhât biwiñan nângân nângân âlâlâ tatmap ya Wâtgât mâmâñahât Heakne mem bukunenñe Paulo yâkât biwiñan katmu yâkñe kulemgum katyîngimu ekbi. 16 Paulone ekap âlâlâ katyîngiop yan den yuwuâk kulemgum katyîngiop. Yawu gârâmâ den kulemgum katyîngiop ya lohimbi nombotñenje sâlikum nângânetâ ki keterakyîngimu nângân nângânyenje hâlim milim otmap. Yakât otmâ den ya kelanğatmâ bukulipyenje kâsikum yîngimai. Yawu gârâmâ emelâk Anitâhât poropetelipñe otmu lok nombotñenje yâkât den kulemguwî ya yâkñak yawuâk kelanğatmâ bukulipyenje kâsikum yîngimai. Yakât otmâ yenjahâk otmâ tâpikgum hiliwahonomaihât pat mansai.

17 Den yu emet inânñan ekyongoan. Lok nombotñenje Anitâhât den kum yenje enğatyeneâk watmai. Lok yawuyenje yenğâlen taka enğatyenñan genjetâ nângân nângânyenje hâlim milim otmu

manman bâlenjahât paŋgoŋân kionmaihât biwiyenje galemahom mannomai. ¹⁸ Otmu sâp yiwerenje yuâmâ Kutdânenŋe Yesu Kiristohâlen biwiyenŋe kepeim manmai ya wangim yâkâlen biwiyenŋe tiŋâk kepeim yâkât den tiŋâk lâum mannomai. Yawu otnomai yanâmâ yâkŋe tihityenje otmu manman âlepŋahât bulâŋe yenġâlen teteap ya wangim bulâŋe topŋe topŋe teteyiŋgiwuap. Yakât nâŋgâm Kiristo mepaem manmâ yâhâmbisâin. Ya bonŋanâk.

Nâ bukuyenje,
Petoro

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

995083d2-705e-5a60-af47-1e36806ccbc